



PCN ta selebrá 15 aña di eksistensia, ta anunsiá indeksashon total i ta drei rebaho di 2017 bèk



**KRALENDIJK,
20 di novèmber 2025 -
Djarason anochi Fondo
di Penshun Hulanda
Karibense (PCN) a para
ketu huntu ku diferente
órganonan di direktiva,
empleadonan,
dunadónan di trabou
afiliá i vários otro
invitado na su 15 aña di
eksistensia.**

Historia di e fondo a kuminsá ofisialmente riba fecha di desmantelamentu di Antia Hulandes, esta riba 10 di òktober 2010. Den e último 15 aña e fondo a krese enormemente. E kantidat di partisipante a bira tres biaha mas tantu den e 15 añanan, di 3005 na aña 2010 pa un total di mas ku 9900 na aña 2025. E kapital di e fondo tambe a krese konsiderablemente, di nèt 250 mion dòler na 2010 pa kasi 600 mion dòler awor.

Presidente di direktiva Harald Linkels a konta ku mientrastantu e fondo ta hopi bon pará pa loke ta trata reservanan finansiero. Sinembargo e fondo a konosé tempunan di tenshon tambe. Na 2016 e grado di kobertura di e fondo a sak te bou di 80%, di moda ku na kuminsamentu di 2017 a kòrta den e penshunan ku 3,5%. Mientrastantu e grado di penshun a bolbe subi te mas ku 145%, loke ta mas ku sufisiente riba e nivel ku ta èksigí legalmente.

Indeksashon (di rekuperashon)

E situashon finansiero favorabel di e fondo no ta hasi solamente posibel pa kompensá e penshunan entrante 1 di yanüari 2026 kompletamente pa gastunan di kosto di bida ku a subi e último 12 lunanan, pero tambe pa duna bèk e kòrtamentu ku a apliká na 2017 den forma di un indeksashon di rekuperashon.

E penshunan, pero tambe derechonan di partisipantenan ku ta aktivo ainda, lo subi na kuminsamentu di e aña nobo ku kasi 7%.